

九一八紀念告全國學生書

087

歲月飄忽，自日寇窺邊，東省淪爲異域者，亦已一年矣。生民之命，陷於水火。困頓顛連，流離轉徙，而死於兵刃者以萬計。淞滬之濱，嫩江之域，天陰雨溼，新鬼煩冤，信國家之奇辱，含血之倫，所爲扼腕切齒者也。尋東省在古爲幽青二州之域，其北部則肅慎氏之舊壤也。及周之方有德，貢其楛矢，著於往牒，播爲美譚。自後建置，代爲郡縣，蓋尺地莫非吾土，一民莫非吾民也。語其原隰沃衍，森林農植之饒，高粱大豆，甲於中國。出金之山二百三十四，銀銅煤鉄之鑛，往往基置焉。夸飾而道之，此誠天府也。而日本蔑棄史實，背叛公約，奮其武怒，逞其詭說，劇於陽奉溥儀，陰脅奸黨，攘奪我土地，虔劉我人民，信義之道，至此窮矣。昔者倉然越海，瞻拜聖燈，伸滿向風，改易舊姓，以今方古，隆替之跡，慘痛良深矣。國強則足以懷遠，勢弱則不能自存。光復舊業，撥亂世而反之正，匹夫有責，諸生勉之而已。今國難亟矣，寇患日深，而江漢中樞，又共匪之所窟穴。乘以比年災害。民物凋敝，人無樂生之心。而民德媮薄，民氣萎靡如故。萎靡故不自振奮，因循苟安。快意當前，不恤其後。媮薄則寡廉喪恥，日趨近利。故有包運仇貨，供職僞廷者矣。外禍之來，如或召之。猶之體中虛損者，先畏風寒，寒暑乘之，遂爲疾癘。往軌已覆，而來軫方道。生等將何以善其後？况國際風雲，昕夕萬變。總之，軍縮之議，猶託空言。和平之譚，殆爲玄想。扁舟泛海，而一溟揚波，操術若神，猶虞顛墜。况乘船愧曲折之巧，同舟懷爭濟之情。興言禍敗，常懷冰淵。諸生外察國情，內審諸己，任重道遠，諒爲寒心。凡經國之智，有待於學術；幹事之器，必資於康強。體弱氣衰者，不足以致遠，學疏識寡者，不足以舉事，輒宜留情體育，注意科學，儲寶練才，爲國効命，何能終於螻屈，久爲瓦全乎？精誠團結，總理之遺教。同輿共載，往哲之令譚，所宜奉爲楷模，服膺無倦。而濟之以堅毅。振之以刻苦，皆所以藥媮情萎靡之蔽。此行已治事之首要也。凡令所譚，率諸生所習聞。而猶鄭重者，聊以備遺忘，資警惕而已。浮華泛濫之說，好高務遠之言，無益。徒以長傲，非諸生所宜經心也。救國之道多端，要之非叫囂，跳躍，頓足，抵掌，而徒爲空言者所能任。屬言至此。心又馳乎扶桑三島之間矣！

教育部部長朱家驊

浙江省教育廳訓令

事由擬批備考

奉教育部檢發九一八紀念日告全國學生書轉仰翻印分發

附告學生書一份

號

收文

字號

訓令

字第

號

年

月

日

時刻

Faint vertical text in columns, likely bleed-through from the reverse side of the document.

浙江省教育廳訓令

教字第一九二二號

令 續雲縣私立仙都初級中學

案奉

教育部第七五八二號訓令開：

查檢發「九一八紀念日告全國學生書」，令仰該廳轉行所屬一體知照

分發諸生閱覽

等因，並檢發九一八紀念日告全國學生書二百份，奉此，除分行外，合行檢發

原書，令仰該校翻印分發諸生閱覽，此令。

計發九一八紀念日告全國學生書一份

浙江省教育廳訓令 緞云縣檔案館 互聯網開放

事由擬辦批示備考

令仰取締省立溫州中學開除生馬驊所出之明天刊物由。

初查香血

三六。

附

件

收文字號

訓令 字第 號 年 月 日 時到

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放

緞云縣檔案館 互聯網開放